

# J.U. ZAVOD ZA SPORTSKU MEDICINU KANTONA SARAJEVO

Adresa: Patriotske lige broj 36, 71000 Sarajevo

Na osnovu člana 66. stav 1. Zakona o zdravstvenoj zaštiti ("Službene novine FBiH", br. 46/10 i 75/13), člana 29. Uredbe sa zakonskom snagom o ustanovama („Službene novine RBiH“, br. 06/92, 8/93 i 13/94), člana 33., 34. i 36. Statuta J.U. Zavod za sportsku medicinu Kantona Sarajevo („Službene novine Kantona Sarajevo“, broj 49/13), te Odluke Upravnog odbora J.U. Zavod za sportsku medicinu Kantona Sarajevo, broj: 01-1-3-474/22 od 19.09.2022. godine, raspisuje se:

## JAVNI KONKURS

### ZA IZBOR I IMENOVANJE DIREKTORA JAVNE USTANOVE ZAVOD ZA SPORTSKU MEDICINU KANTONA SARAJEVO

#### 1. NAZIV POZICIJE

- Direktor J.U. Zavod za sportsku medicinu Kantona Sarajevo.

#### 2. OPIS POZICIJE

U skladu sa odredbama člana 68. Zakona o zdravstvenoj zaštiti („Službene novine Federacije BiH“, br. 46/10 i 75/13), kao i odredbama člana 38. Statuta („Službene novine Kantona Sarajevo“, broj 49/13), direktor:

- organizuje i rukovodi radom Zavoda,
- zastupa i predstavlja Zavod prema trećim licima i odgovoran je za zakonitost rada Zavoda,
- u ostvarivanju rukovođenja Zavodom, direktor predlaže Upravnom odboru mjere za efikasno i zakonito obavljanje djelatnosti Zavoda, unutrašnju organizaciju i sistematizaciju radnih mjesta i osnove planova rada i razvoja,
- izvršava Odluke Upravnog odbora,
- odlučuje o pravima, obavezama i odgovornostima radnika iz radnog odnosa u prvom ili drugom stepenu ukoliko nije Zakonom ili općim aktima Zavoda drugačije utvrđeno,
- podnosi Upravnom odboru Izvještaj o finansijskom poslovanju,
- odlučuje o nabavkama roba, usluga ili radova do visine za koju ga ovlasti Upravni odbor Zavoda,
- vrši i druge poslove u skladu sa Zakonom, Statutom i drugim općim aktima Zavoda.

#### 3. MANDAT

Mandat direktora traje 4 (četiri) godine.

#### 4. UVJETI ZA KANDIDATE

Pored opštih uslova utvrđenih Zakonom, kandidat treba da ispunjava i posebne uslove propisane članom 66. stav 6. Zakona o zdravstvenoj zaštiti („Službene novine Federacije BiH“, br. 46/10 i 75/13), kao i članom 34. Statuta:

- da ima završen medicinski fakultet i specijalizaciju iz medicine rada i sporta ili završenu neku od srodnih specijalizacija. Izuzetno, direktor Zavoda može biti i doktor medicine koji ima višegodišnje iskustvo u radu sa sportistima,
- da ima znanje o zdravstvenom menadžmentu koje dokazuje certifikatom o obavljenoj edukaciji iz zdravstvenog menadžmenta, i to sva tri nivoa edukacije u skladu sa propisima o kontinuiranoj profesionalnoj edukaciji iz zdravstvenog menadžmenta, odnosno završenoj specijalizaciji iz zdravstvenog menadžmenta ili završenom postdiplomskom studiju iz zdravstvenog menadžmenta,
- da ima najmanje pet godina radnog iskustva kao specijalista medicine rada i sporta ili srodnih specijalizacija ili doktor medicine koji ima višegodišnje iskustvo u radu sa sportistima, koje dokazuje potvrdom o radnom iskustvu,
- da priloži pismenu projekciju rada i razvoja u stručnom i ekonomsko finansijskom smislu Zavoda,
- da ima provjerene rezultate u pogledu stručnih, organizacionih i drugih radnih sposobnosti, koje dokazuje pismenom izvjavom ili drugim dokazima.

#### 5. NEOPHODNI DOKUMENTI

Uz prijavu na konkurs kandidati su dužni priložiti:

- kraću biografiju, sa adresom i brojem telefona,
- izvod iz matične knjige rođenih,
- uvjerenje o državljanstvu,
- ovjerenu izvjavu kandidata da se na njega ne odnosi član IX. stav 1. Ustava BiH,
- uvjerenje o nekažnjavanju i uvjerenje da se protiv kandidata ne vodi krivični postupak,
- ovjerenu izvjavu kandidata da nije izabrani zvaničnik, nosilac izvršne funkcije ili savjetnik u smislu odredaba Zakona o sukobu interesa u institucijama vlasti u FBiH,
- te dokaze o ispunjavanju posebnih uslova iz tačke 4. konkursa.

Sva tražena dokumentacija dostavlja se u originalu ili ovjerenoj fotokopiji ne starijoj od 3 (tri) mjeseca.

#### 6. NAČIN I ROK DOSTAVLJANJA PRIJAVA

Prijavu sa traženom dokumentacijom treba dostaviti lično ili poštom na adresu: J.U. Zavod za sportsku medicinu Kantona Sarajevo, Ulica Patriotske lige broj 36, 71000 Sarajevo, sa naznakom „Prijava za izbor i imenovanje direktora“ – ne otvarati.

Nepotpune i neblagovremene prijave neće se razmatrati.

Konkurs ostaje otvoren 15 dana od dana posljednjeg javnog objavljivanja konkursa.

#### 7. OSTALE NAPOMENE

Svi kandidati koji ispunjavaju kriterije za izbor za direktora Zavoda bit će uvršteni na listu i pozvani na intervju.

Prijave i dokumentacija se neće vraćati kandidatima koji su aplicirali na ovaj javni oglas.

U skladu sa članom 37. stav 1. Statuta o odluci o imenovanju direktora bit će obavješteni svi učesnici u konkursu, najkasnije u roku od osam dana od dana donošenja odluke.

**UPRAVNI ODBOR ZAVODA**